

MINGGU 02

FALSAFAH DAN PENYUCIAN JIWA

**PENGENALAN RINGKAS IBADAT
HAJI DAN UMRAH**



*Hadirku sebagai Dhuyufurrahman
Kembaliku dengan kemabruran*

TALBIAH: LAFAZ & MAKNA

لَبَّيْكَ اللَّهُمَّ لَبَّيْكَ لَبَّيْكَ لَا شَرِيكَ لَكَ لَبَّيْكَ
إِنَّ الْحَمْدَ وَالنِّعْمَةَ لَكَ وَالْمُلْكُ لَا شَرِيكَ لَكَ

Hamba-Mu datang menyahut panggilan-Mu ya Allah,
Hamba-Mu datang menyahut panggilan-Mu, Hamba-Mu datang
menyahut panggilan-Mu, Tuhan yang tiada sekutu bagi-Mu, Hamba-Mu
datang menyahut panggilan-Mu, Sesungguhnya segala puji dan nikmat
dan kerajaan adalah kepunyaan-Mu, tiada sekutu bagi-Mu.

NOTA

Bertalbiah disunatkan selepas niat hingga sebelum memulakan
Tawaf bagi Umrah dan sebelum melontar Jamrah Kubra/Tawaf Haji.

OBJEKTIF

- 1 Memahami hikmah dan falsafah Haji.
- 2 Memahami adab sebelum menunaikan Haji serta cara penyucian jiwa.
- 3 Menjauhi amalan syirik, khurafat dan bid'ah dalam ibadat Haji.
- 4 Menghayati konsep dan kaedah penyucian jiwa.
- 5 Memahami maksud soleh dan musleh.
- 6 Mengetahui pengertian, dalil dan syarat wajib Haji serta istito'ah.

ISI KANDUNGAN

- 1 Talbiah dan Pengertiannya
- 2 Hikmah dan Falsafah Haji
- 3 Adab Sebelum Menunaikan Haji dan Umrah
- 4 Penyucian Jiwa
- 5 Soleh dan Musleh
- 6 Pengenalan Ringkas Ibadat Haji dan Umrah
- 7 Syarat Wajib Haji: Berkemampuan (Istito'ah)
- 8 Pengertian Haji Mabruur dan Panduannya

TALBIAH DAN PENGERTIANNYA

Allah menyeru dalam Surah al-Hajj (ayat 27):

وَأَذِّنْ فِي النَّاسِ بِالْحَجِّ يَأْتُوكَ رِجَالًا وَعَلَى كُلِّ ضَامِرٍ يَأْتِينَ مِنْ كُلِّ فَجٍّ عَمِيقٍ ﴿٢٧﴾

"Dan serukanlah umat manusia untuk mengerjakan ibadat Haji, nescaya mereka akan datang ke (rumah Tuhan) mu dengan berjalan kaki, dan dengan menunggang berjenis-jenis unta yang kurus yang datanganya dari berbagai jalan (dan ceruk rantau) yang jauh."

TALBIAH DAN PENGERTIANNYA

Manusia
menyambut

Hamba-Mu datang menyahut panggilan-Mu,
Tuhan yang tidak ada sekutu bagi-Mu,
Pujian, nikmat dan pemerintahan adalah
kepunyaan-Mu.

Allah menjawab/
menyambut

Seruan kamu diterima dan bahagialah
kamu, bekalan kamu itu halal, kenderaan/
tunggangan kamu halal dan haji kamu haji
mabrur. Tidak ditolak.

Tidak diterima seruanmu dan tidak ada
kebahagiaan bagi kamu, bekalan kamu
haram, perbelanjaan kamu haram dan haji
kamu ditolak, tidak ada pahala dan tidak
ada ganjaran bagimu.

Jika niat
yang ikhlas
dan bekalan
yang halal

Jika niat
tidak ikhlas
dan bekalan
haram

**Riwayat ini adalah dhaif.*

TALBIAH DAN PENGERTIANNYA

Kelebihan

Mendekatkan diri kepada Allah:

Talbiah ialah bentuk pengakuan keikhlasan dan ketundukan.

Penghapusan dosa:

Setiap talbiah disertai dengan malaikat yang memohon ampun bagi pelakunya.

Keberkahan alam:

Bumi dan makhluk lain turut menyaksikan amalan mulia ini.

Hikmah Talbiah

Menyahut seruan Allah:

Talbiah menandakan kesediaan seorang Muslim untuk memenuhi kewajipan agama.

Pengukuhan Tauhid:

Ucapan ini menguatkan hubungan hamba dengan Allah dan menolak syirik.

Menghidupkan sunnah Rasulullah:

Talbiah menjadi simbol penyerahan dan pengagungan seperti ajaran Nabi S.A.W..

HIKMAH DAN FALSAFAH HAJI



HIKMAH DAN FALSAFAH HAJI



Satu perjalanan ibadat yang menuntut persediaan, pengorbanan dan kesabaran bagi yang berkemampuan dari segi kewangan, kesihatan, keselamatan dan kuota untuk sampai ke Tanah Suci.

Ibadat yang menggambarkan kehidupan akhirat ini bertujuan untuk meningkatkan ketaqwaan, mengabdikan diri kepada Allah S.W.T., memupuk persaudaraan dan persamaan ke arah melahirkan jemaah haji yang soleh dan musleh serta ummah yang bersatu.

HIKMAH DAN FALSAFAH HAJI

HAJI ADALAH JIHAD

يَا رَسُولَ اللَّهِ نَرَى الْجِهَادَ أَفْضَلَ الْعَمَلِ أَفَلَا نُجَاهِدُ قَالَ لَا لَكِنَّ أَفْضَلَ الْجِهَادِ حَجٌّ مَبْرُورٌ

“Daripada Aisyah R.A. berkata ia kepada Rasulullah S.A.W. bahawa kami percaya bahawa jihad itu adalah amalan yang paling utama, mengapa kami tidak berjihad, maka sabda Rasulullah S.A.W. bagi kamu sebaik-baik jihad itulah Haji Mabrur.”

Diriwayatkan oleh al-Bukhari [1423]



HIKMAH DAN FALSAFAH HAJI

SEJARAH RINGKAS HAJI RASULULLAH S.A.W.

- 1** Pada tahun ke-6 Hijrah, Rasulullah S.A.W. mengerjakan umrah dengan disertai oleh 1,500 orang para sahabat namun demikian rombongan ini tertahan di Hudaibiyah.
- 2** Pada tahun ke-7 Hijrah, mereka membuat Umrah Qada'.
- 3** Haji telah disyariatkan pada tahun ke-9 Hijrah.
- 4** Pada tahun ke-10 Hijrah, Rasulullah S.A.W. telah mengisytiharkan untuk menunaikan fardhu Haji.
- 5** Pada 25 Zulkaedah tahun 10 Hijrah, Rasulullah S.A.W. dengan isteri-isteri Baginda telah memulakan perjalanan dan diikuti oleh 120,000 orang para sahabat.
- 6** Haji tersebut dikenali sebagai Haji Islam, Haji Akbar dan Haji Wada'.



HIKMAH DAN FALSAFAH HAJI

KELEBIHAN HAJI DAN UMRAH

- ▶ Menjadi Tetamu Allah S.W.T. (Dhuyufurrahman).
- ▶ Mendapat ganjaran yang besar.
- ▶ Selamat daripada kecelakaan mati sebagai Yahudi dan Nasrani.
- ▶ Mendapat syafaat di dalam doa keampunan Rasulullah S.A.W..
- ▶ Bersih seperti bayi yang baru dilahirkan.
- ▶ Antara jihad yang paling utama.
- ▶ Haji Mabror yang tiada balasan melainkan Syurga.

HIKMAH DAN FALSAFAH HAJI

MANFAAT
DUNIAWI

- ▶ Pertemuan orang Islam seluruh dunia.
- ▶ Menunjukkan persamaan dalam kalangan orang Islam.
- ▶ Kepentingan perniagaan dan ekonomi.

MANFAAT
UKHRAWI

- ▶ Kem latihan penumpuan kepada ibadat.
- ▶ Kem latihan membentuk keperibadian muslim.
- ▶ Latihan supaya bersedia untuk meninggalkan alam dunia.
- ▶ Melatih diri supaya mengikhlaskan amalan hanya kerana Allah S.W.T..
- ▶ Mendapat pujian Allah S.W.T. di hadapan malaikat.
- ▶ Mendapat ganjaran pahala melihat Kaabah.
- ▶ Mendapat Haji mabrur dan keredhaan Allah.

ADAB SEBELUM MENUNAIKAN HAJI DAN UMRAH

Kepentingan Menuntut Ilmu

قُلْ هَلْ يَسْتَوِي الَّذِينَ يَعْلَمُونَ وَالَّذِينَ لَا يَعْلَمُونَ ۚ إِنَّمَا يَتَذَكَّرُ أُولُوا الْأَلْبَابِ ۚ ﴿٩﴾

Katakanlah: "Adakah sama orang-orang yang mengetahui dengan orang-orang yang tidak mengetahui?" Sesungguhnya orang yang berakallah yang dapat menerima pelajaran.

[Surah al-Zumar: ayat 9]



Hadir Kursus Haji adalah bukti pengorbanan dan jihad untuk **mempertingkatkan ilmu.**

ADAB SEBELUM MENUNAIKAN HAJI DAN UMRAH

Niat yang ikhlas mencari keredhaan Allah

وَمَا أُمِرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءَ وَيُقِيمُوا
الصَّلَاةَ وَيُؤْتُوا الزَّكَاةَ ۚ وَذَلِكَ دِينُ الْقَيِّمَةِ ﴿٥﴾

“Padahal mereka tidak diperintahkan melainkan supaya menyembah Allah dengan mengikhlaskan ibadat kepadanya, lagi tetap teguh di atas tauhid dan supaya mereka mendirikan sembahyang serta memberi zakat. Dan yang demikian itulah agama yang benar.”

(Surah al-Baiyyinah: ayat 5)

ADAB SEBELUM MENUNAIKAN HAJI DAN UMRAH

- ➔ Bertaubat bersungguh-sungguh (taubat nasuha).
- ➔ Mencari teman bertujuan saling ingat-mengingati dan membantu.
- ➔ Banyakkan doa dan zikir dalam kehidupan harian.
- ➔ Menyuci hati dengan sifat-sifat mahmudah (terpuji) dan menghindari sifat-sifat mazmumah (tercela).
- ➔ Memohon dan memberi kemaafan serta berlapang dada dengan semua orang.
- ➔ Membuat wasiat.




ADAB SEBELUM MENUNAIKAN HAJI DAN UMRAH

CONTOH SIFAT TERPUJI (MAHMUDAH)

- 
- ▶ Taubat nasuha
 - ▶ Ingat Allah
 - ▶ Amanah
 - ▶ Sabar/syukur
 - ▶ Ikhlas/redha
 - ▶ Rajin
 - ▶ Pemurah
 - ▶ Berjimat cermat
 - ▶ Lemah lembut
 - ▶ Bertimbang rasa
 - ▶ Penyayang/pemaaf
 - ▶ Tolong-menolong
 - ▶ Menepati janji/masa
 - ▶ Bertanggungjawab
 - ▶ Berjihad dan berdikari
 - ▶ Istiqamah
 - ▶ Sentiasa bercakap benar
 - ▶ Sentiasa menjaga kebersihan

ADAB SEBELUM MENUNAIKAN HAJI DAN UMRAH

CONTOH SIFAT TERCELA (MAZMUMAH)

- 
- Terlalu cinta dunia
 - Penting diri sendiri
 - Pamarah
 - Takabbur/sombong
 - Riya'/'ujub/bongkak
 - Membazir/boros
 - Pembohong
 - Bertelagah
 - Mengumpat
 - Mencela atau memaki
 - Kedekut
 - Pengotor
 - Hasad atau dengki
 - Khianat dan berdendam
 - Perbuatan dan perkataan lagha (sia-sia)
 - Buruk sangka

ADAB SEBELUM MENUNAIKAN HAJI DAN UMRAH**JAUHI AMALAN KHURAFAT DAN BID'AH**

1. Ketika berangkat ke Tanah Suci, ditinggalkan kertas bertulis kalimah syahadah kepada ahli keluarga, dan dibawa tulisan Muhammadur Rasulullah ke Tanah Suci.
2. Mengambil kelambu Kaabah.
3. Menyapu dan mengusap pintu Masjid al-Haramain.
4. Membawa air zamzam atau kismis/kurma/duit semasa tawaf dengan niat khurafat.

ADAB SEBELUM MENUNAIKAN HAJI DAN UMRAH**PERKARA YANG MEMBATALKAN SYAHADAH**

- 1** Mempersekutukan Allah S.W.T. dalam ibadat.
- 2** Menjadikan sesuatu sebagai perantara antara dirinya dengan Allah S.W.T..
- 3** Mengamalkan perkara saka, sihir, susuk, santau dan syirik (5S).
- 4** Menganggap dan berkeyakinan bahawa ajaran agama lain sama atau lebih sempurna daripada Islam.
- 5** Membenci sesuatu yang telah ditetapkan oleh Rasulullah S.A.W. sebagai syariat Baginda.

ADAB SEBELUM MENUNAIKAN HAJI DAN UMRAH**PERKARA YANG MEMBATALKAN SYAHADAH****6**

Mempermainkan Allah S.W.T. atau kitab-Nya atau sesuatu yang merupakan ajaran agama-Nya.

7

Mempercayai dan beramal dengan sihir atau bersahabat dengan jin.

8

Membantu dan menolong orang-orang musyrik untuk memerangi kaum muslimin.

9

Berkeyakinan bahawa sebahagian manusia dibolehkan untuk tidak mengikut syariat Nabi Muhammad S.A.W..

10

Berpaling daripada agama Allah S.W.T. atau daripada perkara yang menjadi syarat mutlak sebagai Muslim.

PENYUCIAN JIWA

Akidah yang jelas dan sah serta pelaksanaan syariah yang tepat.

1

Menguasai ilmu dan kefahaman Islam.

2

Tunaikan solat fardhu lima (5) waktu.

3

Amalkan tuntutan sunat seperti:

- Qiam al-lail/solat sunat taubat
- Sadaqah (harta/tenaga/lisan)
- Banyakkan berdoa dan berzikir
- Banyakkan amal kebajikan
- Banyakkan membaca al-Quran

4

Elakkan gurau senda yang melampau dan percakapan yang lagha (sia-sia).

5

SOLEH DAN MUSLEH

PENGERTIAN SOLEH DAN MUSLEH



Soleh bererti orang yang baik iaitu hamba Allah yang taat melakukan apa yang diperintahkan oleh-Nya dan meninggalkan larangan-Nya.

Musleh bererti orang yang menyeru atau mengajak orang lain melakukan kebaikan iaitu mentaati Allah S.W.T..



SOLEH DAN MUSLEH

KEPENTINGAN SOLEH DAN MUSLEH

- 1 Perintah Allah dalam al-Quran sepertimana nasihat Luqman al-Hakim kepada anaknya.
- 2 Mengikuti sunnah Rasulullah S.A.W. berdakwah (menyeru kebaikan dan mencegah kemungkaran).
- 3 Seorang penyeru kebaikan lebih dicintai Allah daripada ribuan orang baik.
- 4 Allah menjaga ummah ini melalui orang Musleh;
وَمَا كَانَ رَبُّكَ لِيُهْلِكَ الْقُرَىٰ بِظُلْمٍ وَأَهْلِهَا مُصْلِحُونَ
Dan Tuhanmu tidak sekali-kali hendak membinasakan mana-mana negeri dengan sebab kezaliman penduduknya, selagi mereka sentiasa memperbaiki keadaan sesama sendiri. (Surah Hud: ayat 117)

SOLEH DAN MUSLEH

CIRI-CIRI SOLEH DAN MUSLEH

﴿لَيْسُوا سَوَاءً ۚ مِّنْ أَهْلِ الْكِتَابِ أُمَّةٌ قَائِمَةٌ يَتُْلُونَ ءَايَاتِ اللَّهِ ءَانَاءَ اللَّيْلِ وَهُمْ يَسْجُدُونَ ﴿١١٣﴾ يُؤْمِنُونَ بِاللَّهِ وَالْيَوْمِ الْآخِرِ وَيَأْمُرُونَ بِالْمَعْرُوفِ وَيَنْهَوْنَ عَنِ الْمُنْكَرِ وَيُسْرِعُونَ فِي الْخَيْرَاتِ وَأُولَٰئِكَ مِنَ الصَّالِحِينَ ﴿١١٤﴾﴾

“Mereka itu tidak sama. Di antara ahli kitab itu, ada golongan yang berlaku lurus, mereka membacakan ayat-ayat Allah pada beberapa waktu di malam hari, sedang mereka juga bersujud. Mereka beriman kepada Allah di hari penghabisan. Mereka menyeru yang makruf dan mencegah yang mungkar dan bersegera kepada (mengerjakan) berbagai kebajikan. Mereka itu termasuk orang-orang soleh.”

(Ali 'Imran: ayat 113-114)

01

Beriman
dengan Allah
& hari Akhirat

02

Tetap teguh
istiqamah di
atas keimanan
& kebenaran

03

Solat malam &
membaca
al-Quran

04

Amar ma'ruf
nahi mungkar

05


Bersegera
melakukan
kebaikan

PENGENALAN RINGKAS IBADAT HAJI DAN UMRAH

PENGENALAN RINGKAS IBADAT HAJI DAN UMRAH**PENGERTIAN HAJI DAN UMRAH**

HAJI

Haji ialah mengunjungi Baitullah al-Haram (Kaabah) di Makkah pada bulan-bulan Haji untuk mengerjakan ibadat-ibadat tertentu menurut syarat-syaratnya.



UMRAH

Umrah ialah mengunjungi Baitullah al-Haram (Kaabah) di Makkah pada bila-bila masa untuk mengerjakan ibadat tertentu menurut syarat-syaratnya.

PENGENALAN RINGKAS IBADAT HAJI DAN UMRAH

DALIL WAJIB HAJI

وَلِلَّهِ عَلَى النَّاسِ حِجُّ الْبَيْتِ مَنِ اسْتَطَاعَ إِلَيْهِ سَبِيلًا
وَمَنْ كَفَرَ فَإِنَّ اللَّهَ غَنِيٌّ عَنِ الْعَالَمِينَ ﴿٩٧﴾

“Dan Allah S.W.T. mewajibkan manusia mengerjakan ibadat haji dengan mengunjungi Baitullah, iaitu sesiapa yang mampu sampai kepada-Nya. Dan sesiapa yang kufur (ingkarkan kewajipan ibadat haji itu), maka sesungguhnya Allah S.W.T. Maha Kaya (tidak berhajatkan sesuatu pun) dari sekalian makhluk.”

- Surah Ali ‘Imran: ayat 97

وَأَتِمُّوا الْحَجَّ وَالْعُمْرَةَ لِلَّهِ

“Dan tunaikanlah haji dan umrah kerana Allah S.W.T..”

- Surah al-Baqarah: ayat 196

PENGENALAN RINGKAS IBADAT HAJI DAN UMRAH

DALIL WAJIB HAJI


عَنْ أَبِي عَبْدِ الرَّحْمَنِ عَبْدِ اللَّهِ بْنِ عُمَرَ بْنِ الْخَطَّابِ رَضِيَ اللَّهُ عَنْهُمَا قَالَ:
سَمِعْتُ رَسُولَ اللَّهِ يَقُولُ: "بُنِيَ الْإِسْلَامُ عَلَى خَمْسٍ: شَهَادَةِ أَنْ لَا إِلَهَ إِلَّا اللَّهُ
وَأَنَّ مُحَمَّدًا رَسُولُ اللَّهِ، وَإِقَامَ الصَّلَاةِ، وَإِيتَاءَ الزَّكَاةِ، وَحَجَّ الْبَيْتِ، وَصَوْمَ رَمَضَانَ."

Daripada Abu Abdul Rahman, Abdullah bin Umar Radhiallahu 'anhuma, berkata:
Aku telah mendengar Rasulullah Sallallahu'alaihiwasallam bersabda: 'Islam itu
didirikan atas lima (perkara) - Menyaksikan bahawa tiada ilah melainkan Allah,
dan bahawasanya Muhammad itu Rasulullah, mendirikan solat, mengeluarkan
zakat, mengerjakan haji ke Baitullah dan puasa di bulan Ramadhan.

- (Hadis Riwayat Bukhari dan Muslim)

PENGENALAN RINGKAS IBADAT HAJI DAN UMRAH

SYARAT WAJIB HAJI & UMRAH



PENGENALAN RINGKAS IBADAT HAJI DAN UMRAH

PERBEZAAN ANTARA RUKUN HAJI DAN UMRAH

RUKUN HAJI

- Niat ihram Haji
- **Wuquf di Arafah**
- Tawaf
- Sa'ie
- Bergunting/bercukur
- **Tertib pada kebanyakan rukun**

RUKUN UMRAH

- Niat ihram Umrah
- Tawaf
- Sa'ie
- Bergunting/bercukur
- Tertib

PENGENALAN RINGKAS IBADAT HAJI DAN UMRAH

PERBEZAAN ANTARA WAJIB HAJI DAN UMRAH

WAJIB HAJI

Niat di Miqat

Larangan ihram

Bermalam (Mabit)
di Muzdalifah

Melontar Jamrah Kubra
pada 10 Zuhijjah

Bermalam (Mabit) di Mina
11,12 & 13 Zulhijjah

Melontar ketiga-tiga Jamrah
pada 11,12 & 13 Zulhijjah

WAJIB UMRAH

Niat di Miqat

Larangan ihram

SYARAT WAJIB HAJI: BERKEMAMPUAN (ISTITO'AH)

BERKEMAMPUAN (ISTITO'AH) DENGAN DIBADALKAN
OLEH ORANG LAIN

Mengupah badal Haji untuk:

Yang telah
meninggal dunia
yang berupaya
semasa hayatnya



Sakit yang tiada
harapan sembuh

Terlalu tua dan
uzur tidak dapat
mengerjakan
sendiri



SYARAT WAJIB HAJI: BERKEMAMPUAN (ISTITO'AH)


BERKEMAMPUAN (ISTITO'AH) DENGAN SENDIRI



Ada tambang
pergi/balik



Ada bekalan/
nafkah



Ada kenderaan
pergi/balik



Terpilih dalam
kuota Haji

Aman dalam
perjalanan
pergi/balik



Sihat tubuh
badan




Berkesempatan
masa

Syarat tambahan bagi wanita:

- Dengan izin suami
- Ditemani oleh suami/mahram/perempuan yang dipercayai (thiqah)

SYARAT WAJIB HAJI: BERKEMAMPUAN (ISTITO'AH)

MAHRAM BAGI SEORANG WANITA



HAJI MABRUR DAN PANDUANNYA

TINGKATAN IBADAT HAJI

1

Haji Mabruk

Haji yang paling tinggi dan istimewa, diampun segala dosanya, istiqamah beribadat hingga akhir hayat.

2

Haji Makhsus

Haji yang sah dan diampunkan segala dosa-dosanya.

3

Haji Maqbul

Haji yang diterima.

4

Haji Mardud

Haji yang tidak diterima (ditolak) atas sebab-sebab yang lain.


HAJI MABRUR DAN PANDUANNYA

PANDUAN MENDAPAT HAJI MABRUR

1

SEBELUM MENUNAIKAN HAJI

- ◆ Niat ikhlas kerana Allah S.W.T.
- ◆ Mempersiapkan diri dengan ilmu manasik haji dan wang secukupnya dari sumber yang halal dan mengeluarkan zakat
- ◆ Melakukan Rukun Islam dengan sempurna

**2**

SEMASA MENUNAIKAN HAJI

- ◆ Menyempurnakan rukun dan wajib haji dengan betul
- ◆ Membayar dam yang berkaitan dan tinggal larangan ihram
- ◆ Tidak melakukan sifat mazmumah, keji, *fusuq*, *jidal*, *rafath*

3

SELEPAS MENUNAIKAN HAJI

- ◆ Menjauhkan diri daripada dosa dan perkara mungkar
- ◆ Membanyakkan amal soleh untuk meningkatkan iman dan ketakwaan
- ◆ Memperbaiki diri ke arah yang lebih sempurna dari segi akhlak, membentuk diri, keluarga dan masyarakat secara berterusan

- 1 Manasik haji adalah kemuncak rukun-rukun Islam yang perlu kepada pengetahuan yang mencukupi untuk memperoleh haji mabrur.
- 2 Haji hanya wajib bagi golongan yang berkemampuan (istito'ah) dari segi kesihatan, kewangan, keamanan dan kebenaran/kuota.
- 3 Menjauhi perkara syirik, bid'ah dan khurafat dalam menunaikan ibadat haji.
- 4 Sifat-sifat Mahmudah (terpuji) adalah hasil daripada ibadat yang diterima oleh Allah S.W.T..
- 5 Setelah menunaikan haji diharap jemaah haji akan menjadi kumpulan masyarakat yang soleh dan musleh.

DOA MOHON HAJI YANG MABRUR

اللَّهُمَّ اجْعَلْهُ حَجًّا مَبْرُورًا وَذَنْبًا مَغْفُورًا وَسَعْيًا
مَشْكُورًا وَعَمَلًا صَالِحًا مَقْبُولًا وَتِجَارَةً لَنْ تَبُورَ

Ya Allah, Ya Tuhan kami kurniakanlah haji yang mabrur dan ampunkanlah dosa-dosa hamba dan pekerjaan haji yang dipuji, amalan soleh yang diterima dan perniagaan yang tidak merugikan.

Semoga Semua Bakal Jemaah Haji Yang Dikasihi

Diberikan Oleh Allah S.W.T.

Kesabaran & Ketenangan

Serta Didoakan Mendapat Sebaik-baik

Ganjaran

***Haji Yang Mabror &
Umrah Yang Maqbulah***

